

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## বাংলাদেশে যুক্তরাষ্ট্রের রাষ্ট্রদূত ড্যান মজীনার বক্তব্য ইফতার, নৈশভোজ সিএমআর ২৩শে জুলাই

আসসালামু আলাইকুম ও শুভ সকাল

রমজান একটি বিশেষ সময়।

রমজান

রমজান নিজের চিন্তা-চেতনা, বিবেক নিয়ে বিবেচনার সময়, অতীত নিয়ে চিন্তার সময়, ভবিষ্যৎ নিয়ে ভাবনার সময়, পরিবার ও বন্ধুদের সময়, আমাদের প্রতি ঈশ্বর প্রদত্ত অসংখ্য আশীর্বাদ নিয়ে চিন্তার সময়।

আমি সত্যিকার অর্থেই অনেক আশীর্বাদপুষ্ট।

আমার পেশাজীবনের পাঁচ ভাগের এক ভাগ আমি বাংলাদেশে অতিবাহিত করার আশীর্বাদ পেয়েছি।

এই জাতির মানুষের সঙ্গে অনেক বন্ধুত্ব গড়ে তোলার আশীর্বাদ পেয়েছি। বন্ধুরা যারা আমাকে অনুপ্রাণিত করেছে, চ্যালেঞ্জ করেছে, উৎসাহিত করেছে। সেই বন্ধুদের অনেকেই আজ এই কক্ষে উপস্থিত।

আমি টেকনাফ থেকে তেতুলিয়া, সিলেট থেকে সাতক্ষীরা, পুরো বাংলাদেশব্যাপী ঘুরে বেড়ানোর সুযোগের আশীর্বাদ পেয়েছি। আমি যেখানেই যাই আমি আবিষ্কার করি যে এটা দরিদ্র দেশ নয়, যদিও এদেশের অনেক মানুষ দরিদ্র।

বাংলাদেশ একটি আশীর্বাদপুষ্ট দেশ, উর্বর জমি, পর্যাপ্ত পানি, বছরে তিনবার ফসল উত্তোলনে সহায়ক জলবায়ু, কয়লার বিশাল মজুদ, প্রাকৃতিক গ্যাসের মজুদ, বাংলাদেশ এসব আশীর্বাদ প্রাপ্ত ... দেশটি সমৃদ্ধ, বৈচিত্র্যময় ও বিচক্ষণ সংস্কৃতির আশীর্বাদ প্রাপ্ত ... একটি দেশ যেখানে বিশ্বের সবচেয়ে চমৎকার মানুষ থাকে এবং আমি কথাটি সত্যিকার অর্থেই বলছি।

ঈশ্বর বাংলাদেশের প্রতি ও আমাদের প্রতি নিশ্চয়ই উদার।

আমাদের এসব আশীর্বাদের জন্য কৃতজ্ঞ হওয়া উচিত।

ঈশ্বর আমাদের যেসব আশীর্বাদ দিয়েছেন সেগুলো আমাদের রক্ষা করা উচিত।

বিগত বছর শিল্পকারখানায় আগুন ও ভবন ধ্বসের মতো ঘটনায় অনেক ভয়াবহ দুর্যোগময় কেটেছে। এই দুর্যোগগুলো কোনো দুর্ঘটনা ছিলো না; সেগুলো ছিলো লোভ ও দুর্নীতির ফলাফল কারণ এদেশের প্রতি ঈশ্বর প্রদত্ত কিছু আশীর্বাদকে কিছু মানুষ অপব্যবহার করেছে। আমাদের নিশ্চিত করতে হবে যে এরকম অপব্যবহারের পুনরাবৃত্তি যেন না ঘটে।

... আর জাতি যখন পরবর্তী নির্বাচনের দিকে এগিয়ে যাচ্ছে আমাদের সকলকে একসঙ্গে কাজ করতে হবে যেন শান্তি, স্থিতিশীলতা নিশ্চিত করা যায় যাতে গনতান্ত্রিক প্রক্রিয়ার অগ্রযাত্রা কোনো বাধার সম্মুখীন ছাড়াই চলতে পারে, এই সুন্দর জাতির চমৎকার মানুষ যাতে নিজেদের জীবন গড়তে পারে...সোনার বাংলা গড়তে পারে।

আজ সন্ধ্যায় আসার জন্য এবং ব্যক্তি হিসেবে আমাদের প্রতি ও বাংলাদেশের প্রতি  
ঈশ্বরের অপার উদারতার জন্য তার প্রতি ধন্যবাদ জ্ঞাপনের এই মুহূর্ত একসঙ্গে উদযাপনের  
জন্য আমি আপনাদের ধন্যবাদ জানাই।

ধন্যবাদ।

=====